

**Unnga Siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allangortinneqarneranut, Inuit Innarluutillit illersuisuat pillugu Inatsisartut inatsisaata allangortinneqarneranut, Utoqqaat illersuisuat pillugu Inatsisartut inatsisaata allangortinneqarneranut, Isumaginninnermik suliassaqarfimmi pissaanermik atuneq pillugu Inatsisartut inatsisaata allangortinneqarneranut kiisalu Inuit Pisinnaatitaaffii pillugit Siunnersuisoqatigiit pillugit Inatsisartut inatsisaata allangortinneqarneranut Inatsisartut inatsisaat**  
(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

**Oqaaseqaat:**

Siumuminngaaniit pingaartipparput inatsisit pioreersut ullutsinnut tulluarsarlugit atorfissaqartitagut aallaavigalugit allangortinneqarnissaannut inerisaaqataassalluta.

Uani Naalakkersuisut allangortitassatut siunnersuutaat illersuisoq allangortinneqassasoq imaasillugit oqaaseqartartunngortillugu.

Tassa imatut meeqqanut, inuit innarluutilinnut kiisalu utoqqarnut oqaaseq atorneqarnikuusoq “illersuisoq” taarserneqarnissaa “oqaaseqartartoq”-nngortillugu allangortinnissaanut Naalakkersuisut oqariartorput.

Oqaatsip illersuisoq allangortinneqartussap isumaa Siumuminngaaniit paasilluarparput, oqaatsip illersuisup atorneqartup allaanerujussuarmik paasineqarsinnaanera innuttaasunik sualummik sullissisup sullitaaninngaaniit allamut sammiveqarsinnaanera Siumuminngaaniit paasilluarparput.

Siumuminngaaniit Oqaatsit marluk tassa illersuisoq taavalu oqaaseqartartoq isumaat assigiinngimmata Naalakkersut qujaffigalugit allanguutissatut siunnersuutaannut isumaqataalluta suliaq ataatsimiititaliamut susassaqtumut ingerlateqqipparput.

*Mala Høy Kúko, Siumut*